

中國方志叢書·華北地方·第四五九號

據

民國二十一年
王琴林等纂修
本

影印

河南省

禹縣志

(七)

成文出版社有限公司印行

中華民國六十五年 月臺一版

禹 縣 志

全七冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

禹縣志卷二十六

貨殖傳

自呂不韋起大賈以天下居奇漢與陽翟號爲一都延及
朱明驛路經過故貨賄積焉閩亂後市廛爲墟清初州牧
劉國儒多方招徠後由密移來藥會日駸駸稱盛矣人各
任其能竭其力以得所欲諺曰能治千金必有過人之才
近來閩閩漸蕭條矣然能者輻湊已往之豪不可沒也又
商之道在合農工必家人所日用價廉而售普斯爲得之
非居奇也

呂不韋者陽翟大賈人也往來販賤賣貴家累千金秦昭

焉

縣志

卷二十六

貨殖傳

王四十年太子死其四十二年以其次子安國君爲太子
安國君有子二十餘人安國君有所甚愛姬立以爲正夫
人號曰華陽夫人無子安國君中男名子楚子楚母曰夏
姬母愛子楚爲秦質子於趙秦數攻趙趙不甚禮子楚子
楚秦諸庶孽孫質於諸侯車乘進用不饒居處困不得意
呂不韋賈邯鄲見而憐之曰此奇貨可居往見子楚說曰
吾能大子之門子楚笑曰且自大君之門而乃大吾門呂
不韋曰子不知也吾門待子門而大子楚心知所謂乃引
與坐深語呂不韋曰秦王老矣安國君得太子竊聞安國
君愛幸華陽夫人華陽夫人無子能立適嗣者獨華陽夫

人耳今子兄弟二十餘人子又居中不甚見幸久質諸侯
卽大王薨安國君立爲王則子無幾得與長子及諸子旦
暮在前者爭爲太子矣子楚曰然爲之奈何呂不韋曰子
貧客於此非有以奉獻於親及結賓客也不韋雖貧請以
千金爲子西游事安國君及華陽夫人立子爲適嗣子楚
乃頓首曰必如君策請得分秦國與君共之呂不韋乃以
五百金與子楚爲進用結賓客而復以五百金買奇物玩
好自奉而西游秦求見華陽夫人姊而皆以其物獻華陽
夫人因言子楚賢智結納諸侯賓客徧天下常曰楚也以
夫人爲天日夜泣思太子及夫人夫人大喜不韋因使其

姊說夫人曰吾聞之以色事人者色衰而愛弛今夫人事太子甚愛而無子不以此時蚤自結於諸子中賢孝者舉立以爲適而子之夫在則重尊夫百歲之後所子者爲王終不失勢此所謂一言而萬世之利也不以此繁華時樹本卽色衰愛弛後雖欲聞一言尙可得乎今子楚賢而自知中男也次不得爲適其母又不得幸自附夫人夫人誠以此時拔以爲適夫人則竟世有寵於秦矣華陽夫人以爲然承太子間從容言子楚質於趙者絕賢來往者皆稱譽之乃因泣涕曰妾幸得充後宮不幸無子願得子楚立以爲適嗣以託妾身安國君許之乃與夫人刻玉符約以

爲適嗣安國君及夫人因厚饋遺子楚而請呂不韋傳之
子楚以此名譽益盛於諸侯呂不韋取邯鄲諸姬絕好善
舞者與居知有身子楚從不韋飲見而悅之因起爲壽請
之不韋怒念業已破家爲子楚欲以釣奇乃遂獻其姬姬
自匿有身至大期時生子政子楚遂立姬爲夫人秦昭王
五十年使王齮圍邯鄲急趙欲殺子楚子楚與呂不韋謀
行金六百斤予守者吏得脫亡赴秦軍遂以得歸趙欲殺
子楚妻子子楚夫人趙豪家女也得匿以故母子竟得活
秦昭王五十六年薨太子安國君立爲王華陽夫人爲王
后子楚爲太子趙亦奉子楚夫人及子政歸秦秦王立一

年薨謚爲孝文王太子子楚代立是爲莊襄王莊襄王所
養母華陽后爲華陽太后真母夏是尊以爲夏太后莊襄
王元年以呂不韋爲丞相封爲文信侯食河南洛陽十萬
戶莊襄王卽位三年薨太子政立爲王尊呂不韋爲相國
號稱仲父秦王年小太后時時竊私通呂不韋不韋家僮
萬人當是時魏有信陵君楚有春申君趙有平原君齊有
孟嘗君皆下士喜賓客以相傾呂不韋以秦之疆羞不如
亦招致士厚遇之至食客三千人是時諸侯多辯士如荀
卿之徒著書布天下呂不韋乃使其客人人著所聞集論
以爲八覽六論十二經二十餘萬言以爲備天地萬物古

今之事號曰呂氏春秋布咸陽市門懸千金其上延諸侯
游士賓客有能增損一字者予千金皇帝益壯太后淫
不止呂不韋恐覺禍及已乃私求大陰人嫪毐以爲舍人
時縱倡樂使毒以其陰關桐輪而行令太后聞之以啗太
后太后聞果欲私得之呂不韋乃進嫪毐詐令人以腐罪
告之不韋又陰謂太后曰可事詐腐則得給事中太后乃
陰厚賜主腐者吏詐論之拔其鬚眉爲宦者遂得侍太后
太后私與通絕愛之有身太后恐人知之詐卜當避時徙
宮居雍嫪毐常從賞賜甚厚事皆決於嫪毐嫪毐家僮數
千人諸客求宦爲嫪毐舍人千餘人始皇七年莊襄王母

夏太后薨孝文王后曰華陽太后與孝文王會葬壽陵夏太后子莊襄王葬芷陽故夏太后獨別葬杜東曰東望吾子西望吾夫後百年旁當有萬家邑始皇九年有告嫪毐實非宦者常與太后私亂生子二人皆匿之與太后謀曰王卽薨以子爲後於是秦王下吏治具得情實事連相國呂不韋九月夷嫪毐三族殺太后所生兩子而遂遷太后於雍諸嫪毐舍人皆沒其家而遷之蜀王欲誅相國爲其奉先王功大及賓客辯士爲游說者衆王不忍致法秦王十年十月免相國呂不韋及齊人茅焦說秦王秦王乃迎太后於雍歸復咸陽而出文信侯就國河南歲餘諸侯賓

客使者相望於道請文信侯秦王恐其爲變乃賜文信侯書曰君何功於秦秦封君河南食十萬戶號稱仲父其與家屬徒處蜀呂不韋自度稍侵恐誅乃飲酖而死秦王所加怒呂不韋嫪毐皆已死乃皆復歸嫪毐舍人遷蜀者始皇十九年太后薨謚爲帝太后與莊襄王葬茝陽太史公曰不韋及嫪毐貴封號文信侯人之告嫪毐事聞之秦王驗左右未發上之雍郊毒恐禍起乃與黨謀矯太后璽發卒以反斬年宮發吏攻毒毒敗亡走追斬之好時遂滅其宗而呂不韋由此絕矣孔子之所謂聞者其呂子乎

史記列傳

李文彩字耀章城北三里莊人通醫術設藥肆生有膽識

光緒四年知州王昌蔚勒借藥百錢二千貫不遂大怒遣
詳請設卡控釐事屢劾聞驚擾罷市昌蔚捕數人科以抗
上文彩據理欸陳語皆中肯昌蔚不能屈押解省垣極以
刑威勢嚇文彩終不伏將加鎖鐐鐐崩文彩大呼曰明明
者還有天耶問官令姑照罪文彩曰罪無可服死則不懼
但大人爲皇上撫民幸勿枉民以欺皇上天獄半年放歸
上官慰獎之撤昌蔚任

馮新德居三官塚村饒智計而城府阻深人莫能測寡言
笑有問事者必確指其可行之路其所經營屢肆田宅皆
井井有條理當光緒三年秋旱買穀數百石次年春大荒

招貧親友分借出之立盡旋歲熟償穀不受曰吾本意施振不敢尸其名故云借也其計事慎密類如此

文諒友字益三東壩村人以赤手起家晚主辦三峯山煤礦復建議修鐵路開厥鍊錫未及爲而卒年六十宣統三年十二月也諒友氣量寬厚識見宏通與人開誠布公嘗言與人以財不如授人以事又言人之材智不甚相遠頻頻輒換無益也指教調護事亦辦矣故其生平夥友類倚之終身各有成業凡所規畫確得大處着眼小處下手之旨樊進士海瀾未仕時嘗與同事語人曰文益三頭頭是道長沙曹學士廣權知禹州時曰益三穎濱典型也其爲

名流推重類如此

葛青峯字嵐光東壚村人廩生時芳子幼以貧輟學爲商其術不厭詐而臨財一諾千金嘗抵滬灣見糧船停銷以爲此奇貨可居也盡定買之而囊中實不持一錢乃託讖遊出肆星夜掉步歸禹至死石鎮罄賣之裏金以往佯安坐肆中呼客交價肆主驚其豪富深相賓禮光緒二十年春旱詣襄城覘糧一買數百石自是市價日漲人皆爭糴青峯則減價盡賣一空未幾大雨糧價落矣青峯先後屢設商肆皆於盛時窺見敗徵立即停閉謂俟其已敗則不可收拾矣其見幾獨斷有過人者兄青巒弟青岫皆相助

成業青岫雖爲商而性寬恕言多近道每以知足訓家人
商秦祥字開三居城內兄弟四人行居三惟仲不慧他皆
才幼赤貧父執生員連漢光語人曰觀商氏諸兒豈長貧
者爲之謀商業別立市門規模濶大而自五貫錢以上皆
慎之既富而好行其德民國建元辦城防皆秦祥倡之墊
欸數千金首葺營房他商民因效之秦祥性粗豪義氣二
字不絕於口健飲談辰大數圍每謀事諧則鼓腹唱詠不
識一字而語多合理常曰人病吾積財不積何以散乎吾
少不爲長兄所器每聞譴責則大喜意吾兄將使我也或
數日無言則大憂自念必有過也又曰吾十餘齡時好從

長者遊聽其論說佳處卽默誓必學之或論說非理卽默
念此當戒也秦祥日行街市必實其囊而後出見乞討分
散立空而歸謂行小善則心小快若行大善則心必大快
矣卒年六十七

陳潤德不知何許人幼隨母行乞至禹母傭於人爲女工
潤德學賈主者數逐之不去賈本甚微自潤德主事其富
甲禹肆潤德饒有膽識能闢新徑外杜濫賒內抑浮費其
條規嚴雖資主不敢易也初禹商守門戶無遠圖潤德則
分肆武漢湖湘以至粵東其利市三倍他商爭效之禹商
足跡遂徧十八行省潤德歿肆友習其厚實雄於外埠